

洞玄靈寶自然齋儀

各禮師存念如法

次鳴法鼓二十四通

次發爐

無上三天玄元始三氣太上老君召出臣等

身中三五功曹左右官使者左右捧香驛龍

騎吏侍香金童傳言玉女五帝直符直日香

官各三十六人出關啓此間土地里域真官

正神臣今正爾燒香行道奉為弟子某陳乞

祈願願得

十方正真生氣降流臣等身中今臣所啓遠

達徑御

太上無極大道至真玉皇上帝御前

各稱名位

具法職某嶽先生臣某等同誠上啓

虛無自然元始天尊無極大道太上道君太

上老君高上玉皇十方已得道大聖衆至真

諸君丈人三十二天帝玉虛上帝玉帝大帝

東華南極西靈北真玄都玉京金闕七寶玄

臺紫微上官靈寶至真明皇道君玄中大法

師三界官屬一切事靈臣等宿命因緣生逢

大化玄真啓拔得入法門三師盟受三寶神

經供養事禮以求祈願荷恩隆重喜懼交并

然受法之日約當整場愚短自效毛髮宜通

法音讚揚妙化普令一切咸入法門救生度

死今來安樂凡有投告理合申騰今有詞文

謹當宣奏

次讀詞

具如詞言情唯丹襟仰憑至道由慮將來臣

等忝荷洪慈職唯拯救伏聞虛皇布法為萬

品之津梁大帝垂文作千真之軌躅門開接

引教許依投有感即通無求不應精誠內著

芝英為之表祥靈澤下流星辰為之列耀運

茲初捨上香歸身歸神歸命

十方無極大道太上三尊願以是功德歸流

大道弟子某家九玄七祖前亡後化一切宗

親並願俱出九幽齊登十極落北陰之玄籍

上南極之丹文福慶遐臻禎祥遠集仇讎罷

對慶及子孫今故燒香自歸依師尊大聖衆

至真之德得道之後昇入無形和與道合同

夫玉京非遠斂念即通真宰無方隨心必應

運茲二捨上香歸身歸神歸命

十方無極大道太上三尊願以是功德歸流

皇帝執象化人秉圖御運人懷凱悌物遂生

成次及臣等受道三師經生父母嚴棲志士

同學之人九姻門族天下人民蚩飛蠢動一

切衆生各遵安寧悉難災積今故燒香自歸

依師尊大聖衆至真之德得道之後昇入無

形和與道合同

夫大道無私隨機必應至精有信待感而通

運茲三捨上香歸身歸神歸命

十方無極大道太上三尊願以是功德歸流

齊主大道弟子某并門族親姻伏願厄患消

寧身心朗徹洞金房之奧旨超鄴部之幽徒

福善自彰神明匡衛生齡更遠比枯木而再

榮靈命方延類寒燈而重焰男女貞順百產

繁昌今故燒香自歸依師尊大聖衆至真之

德得道之後昇入無形和與道合同

次禮十方懺

次四聖方懺

目法眾等至心歸命

十方無極太上靈寶天尊十鄉神仙諸靈官但弟子平生自露塵長多罪累論神喪氣有偽無具恩愛所拘聲名所誘唯深愆犯莫保安允又慮積生已來至于今日陰罪陽過犯觸十方或不順陰陽罔知避忌殺生害命恣意極情或知而故為或誤誤不覺或身心自構或被逼從人罪咎貫盈神明譴責宿夜憂懼不敢寧居仰憑高尊希蒙覆育且等純心首過靜念祈恩為修靈寶妙齋拔贖幽明之咎當願見存人口良賤尊卑无難雲消算壽天承見存烟屬内外宗親神爽清表盡沾玄慶子孫昌熾長會善緣福起十方禍沉九夜稽首歸依正真三寶

次左迴向西平立思九色圓像命魔

密呪

次步虛旋繞

次三啓

次三禮

次重稱名位

具法職某獄先生臣某等同誠重上啓

太上無極大道至真靈寶三十六部尊經太上三尊十方眾聖玄中大法師三界官屬一切神靈臣等餘福所流運遇大法玄真啓拔忝佩靈文而胎染結陋未能抗絕負越科禁丹誠莫申自宜灰心甘實冥罰但以千真有格許立微功輒勸管窺奉宜慈化期以拔贖用濟群生今謹有大道弟子某辭情丹慊實可哀矜生在塵途情唯昏蔽因緣所習超度無門唯保倚上玄特希洪澤臣等謹相携率沐浴身心焚香轉經以期悔謝伏惟太上眾尊監齋大法師侍真群靈三界官屬垂神鑒映照覽所陳特開大宥之恩俯遂塵微之懇伏乞赦弟子九玄七祖下及己身積世已來至于今日恣情極欲廣構罪田或不了義方不明妙趣喪神耗氣恥朴好華口實心違外真內偽陰罪陽過無量無邊或謬誤不知或知而故犯違盟破戒怠墮幽冥諸如此條不可憶識乞今燒香行道賜蒙蕩滌伏願

太上高聖大神至真群靈垂大慈之澤致感

應之靈迴救度之福降罔極之恩召飛天神人齋東華青宮九龍符命歷下十方檢校曹局凡有弟子某家存亡罪咎咸願消除受鍊南宮削名北府福流玄葉吉享見存使老少咸和子孫賢貴殃災雲散善瑞日生僕隸安康養滋茂臣等謹為齋主所首所謝感乞如言所啓所陳事蒙原解上明天尊私慈之澤下副且等歸命之誠謹啓以聞

次十二願

次復爐

香官使者左右龍虎君侍香諸靈官當今齋堂之內自然生金液丹碧芝英百靈眾真交會在此香火爐前今弟子修齋已後舉家受福内外蒙恩十方仙童玉女侍衛香煙傳臣向來關啓徑御太上無極大道玉皇上帝御前

次出堂

同玄靈寶自然齋義